



**SURAT PEKELILING PERKHIDMATAN NEGERI  
BILANGAN 3 TAHUN 2022**

**PEMBERIAN BANTUAN KHAS KEWANGAN TAHUN 2022 KEPADA  
ANGGOTA PERKHIDMATAN AWAM NEGERI  
DI BAWAH PENTADBIRAN KERAJAAN NEGERI PULAU PINANG**

**TUJUAN**

1. Surat Pekeliling Perkhidmatan Negeri ini adalah untuk memaklumkan keputusan Kerajaan Negeri Pulau Pinang berhubung pemberian Bantuan Khas Kewangan Tahun 2022 (BKK) kepada Anggota Perkhidmatan Awam Negeri, Penyelia dan Guru Kelas Asas Fardhu Ain (KAFA), Guru Sekolah Rendah Agama Rakyat (SRAR), Guru Sekolah Menengah Agama Rakyat (SMAR), kakitangan SRAR, SMAR dan Sekolah Agama Bantuan Kerajaan (SABK), Guru dan Kakitangan Sekolah Persendirian Cina, Guru Tahfiz, Guru Pondok dan Guru Tadika Islam (TADIS) Negeri Pulau Pinang di bawah Pentadbiran Kerajaan Negeri Pulau Pinang.

**LATAR BELAKANG**

2. Sebagai penghargaan Kerajaan Negeri terhadap sumbangan Anggota Perkhidmatan Awam Negeri di Pentadbiran Kerajaan Negeri

Pulau Pinang, Kerajaan Negeri telah bersetuju untuk memberikan BKK Tahun 2022 sebanyak 1/2 bulan gaji atau minimum RM1,200.00.

3. Pemberian BKK ini turut dipanjangkan kepada Penyelia dan Guru KAFA, Guru SRAR, Guru SMAR, Kakitangan SRAR, SMAR dan SABK serta Guru dan Kakitangan Sekolah Persendirian Cina sebanyak RM300.00. Manakala RM200.00 kepada Guru Tahfiz, Guru Pondok, Guru TADIS Negeri Pulau Pinang.

### **PELAKSANAAN**

4. Pemberian BKK ini diberi kepada semua pegawai Perkhidmatan Awam Negeri, tertakluk kepada syarat bahawa pegawai telah berkhidmat sekurang-kurangnya 30 hari berturut-turut termasuk Hari Rehat Mingguan, Hari Kelepasan Mingguan dan Hari Kelepasan Am dalam tempoh **1 Januari 2022 hingga 20 April 2022** dengan pembayaran secara pro-rata (*proportionate*) tertakluk kepada bayaran minimum RM1,200.00.

### **PEGAWAI YANG LAYAK**

5. Pegawai yang layak menerima adalah tertakluk kepada perenggan 4, dan pematuhan kepada perkara- perkara seperti berikut :

5.1 pegawai lantikan tetap, sementara, *Contract of Service*, *Contract for Service* dan Pekerja Sambilan Harian (PSH)/Personel MySTEP;

5.2 pegawai yang bercuti bergaji penuh;

5.3 pegawai yang bercuti separuh gaji;

- 5.4 pegawai yang bercuti tanpa gaji;
- 5.5 pegawai yang dipinjamkan termasuk ke agensi yang diasingkan pengurusan saraannya. BKK ini akan dibayar oleh agensi yang menerima peminjaman pegawai;
- 5.6 pegawai pinjaman yang kembali ke agensi asal/ pembekal, BKK ini akan dibayar oleh agensi asal/ pembekal;
- 5.7 pegawai *Contract of Service*, *Contract for Service*, sementara dan Pekerja Sambilan Harian/Personel MySTEP (PSH) yang tamat tempoh kontrak dan telah dilantik semula;
- 5.8 pegawai *Contract of Service* yang meletak jawatan dengan pemendekan notis kerana menjawat jawatan tetap;
- 5.9 pegawai yang bertukar masuk ke Perkhidmatan Awam Negeri Pulau Pinang dari Perkhidmatan Awam Negeri lain atau Perkhidmatan Awam Persekutuan;
- 5.10 pegawai yang bertukar keluar dari Perkhidmatan Awam Negeri Pulau Pinang ke Perkhidmatan Awam Negeri lain atau Perkhidmatan Awam Persekutuan akan diselaraskan dengan Jabatan di mana pegawai sedang berkhidmat;
- 5.11 pegawai yang bersara/meninggal dunia akan diselaraskan dengan jumlah bayaran mengikut pekeliling yang akan dikeluarkan oleh pihak JPA; dan

5.12 pesara Perkhidmatan Awam yang dilantik semula secara *Contract of Service* atau *Contract for Service* dalam tahun 2022 selepas tarikh bersara dari perkhidmatan akan diselaraskan dengan jumlah bayaran mengikut pekeliling yang akan dikeluarkan oleh JPA.

## PEGAWAI YANG TIDAK LAYAK

6. Pegawai yang tidak layak dibayar BKK adalah seperti berikut :

6.1 pegawai yang berkhidmat kurang daripada 30 hari berturut-turut dalam tempoh **1 Januari 2022 hingga 20 April 2022;**

6.2 pegawai yang dikenakan hukuman tatatertib dalam tempoh **1 Januari 2022 hingga 20 April 2022;**

6.3 pegawai yang ditamatkan perkhidmatan demi kepentingan awam termasuk pegawai tetap, lantikan sementara, *Contract of Service*, *Contract for Service* dan Pekerja Sambilan Harian (PSH)/Personel MySTEP dalam tempoh **1 Januari 2022 hingga 20 April 2022;**

6.4 pegawai yang meletak jawatan dalam tempoh **1 Januari 2022 hingga 20 April 2022;** dan

6.5 pegawai yang tidak hadir bertugas tanpa kebenaran Ketua Jabatan mengikut Perintah Am (P.A) Bab C Perkara 14A(a) yang melebihi **3 hari** dalam **1 Januari 2022 hingga 20 April 2022.**

## **PEGAWAI YANG DITANGGUHKAN BANTUAN KHAS KEWANGAN TAHUN 2022**

7. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan pemberian BKK. Pegawai hanya layak dibayar BKK sekiranya Pihak Berkuasa Tatatertib mendapati pegawai tersebut tidak bersalah.

### **TARIKH PEMBAYARAN**

8. Pembayaran BKK akan dilaksanakan pada **27 April 2022**.

### **TARIKH RAYUAN**

9. Tarikh akhir bagi sebarang permohonan atau rayuan BKK adalah sebelum atau selewat-lewatnya pada 5 Mei 2022 dan perlu dikemukakan kepada YB Setiausaha Kerajaan Negeri dengan perakuan melalui Ketua Jabatan.

### **TANGGUNGJAWAB PEMBAYARAN**

10. Pembayaran BKK ini adalah menjadi tanggungan jabatan di mana pegawai berkhidmat pada tarikh pembayaran atau jabatan terakhir pegawai berkhidmat.


### **TARIKH KUAT KUASA**

11. Surat pekeliling perkhidmatan ini berkuat kuasa mulai dari tarikh ia dikeluarkan.

## PEMAKAIAN

12. Tertakluk kepada penerimaannya, Surat Pekeliling Perkhidmatan Negeri ini juga dipanjangkan kepada semua Pihak Berkuasa Tempatan (PBT) dan Badan Berkanun Negeri (BBN) termasuk Ahli Majlis PBT di Pulau Pinang.

**"WAWASAN KEMAKMURAN BERSAMA 2030"**  
**"BERKHIDMAT UNTUK NEGARA"**  
**"CEKAP, AKAUNTABILITI, TELUS"**



(DATO' DR. AHMAD JAILANI BIN MUHAMAD YUNUS)

Setiausaha Kerajaan Negeri

20 April 2022

Semua Ketua Bahagian PSUKPP  
Semua Ketua Jabatan Negeri  
Semua Pihak Berkuasa Berkanun  
Semua Pihak Berkuasa Tempatan